



Inatsisartunut ilaasortaq
Iddimangiiu Bianco, Inuit Ataqtigiit
/Maani

§ 37 akissut_030_Sermersooq_KANUKOKA_idbi

Asasara Iddimangiiu.

Inatsisartut suleriaasissaanni § 37 imm. 1 naapertorlugu Naalakkersuisunut apeqquitit uku saqqummiuppatit:

20-02-2015
Sullap normua 2015-111377
All. nr.

Postboks 101
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Naalakkersuisunut apeqquteqaatit:

1. Kommuneqarfik Sermersooq nalunaarpoq KANUKOKA-mut ilaasortaajunnaarniarluni. Naalakkersuisut tamanna qanoq isumaqarfigaat, kommunillu ataasiakkaat kattuffimmut ilaasortaanginnermi kiffaangissuseqarnerat Naalakkersuisunit ataqqineqarpa?

Akissut: Kommunit peqatigiiffinni ilaasortaasinnaanermi kiffaangissuseqarneri Naalakkersuisut ataqqivaat. Kommunip KANUKOKA-mi ilaasortaajunnaarniarluni Kommuneqarfik Sermersuup nalunaaruteqarnera ajuusaarnartoq Naalakkersuisut isumaqarput. Kommunit nukittuumik kattuffeqarnissaat Naalakkersuisut pisariaqarsoraat, ilaatigut kommunit tamaasa sinnerlugit Naalakkersuisunik oqaloqateqarlunilu isumaqatigiissuteqarsinnaasumik. Nunami pisortat suliaqarfiisa tamarmiusut aqqissuunneqarnissaannut unammilligassat annertuut eqqarsaatigalugit ilaatigullu innuttaasuni utoqqaat amerliartornerisa malitsigisaannik aningaasartuutitigut tatineqariartuinnarnerput eqqarsaatigalugu tamanna immikkut pisariaqarpoq.

2. Naalakkersuisut Kommuneqarfik Sermersuullu akornani isumaqatigiinninnuteqarnerit siunissami qanoq ingerlanneqartassappat?

Akissut: Kommunit sinnerlugit KANUKOKA isumaqatigiissuteqarnermi susassaqaqataasoq inatsisitigut aalajangersagaasoq ilisimatitsissutigineqarsinnaavoq. Kommunit aqunneqarnerat pillugu Inatsisartut inatsisaanni nr. 22, 18. november 2010-meersumi § 68-imi ilaatigut allassimavoq, kommunimi sulisut nalinginnaasumik akissarsiaqartitaaneritut, atorfeqartitaaneritut, soraarnerussutisiaqartitaanerinullu aalajangersakkat, tjenestemandit pillugit inatsisini tamakku aalajangersarneqarsimatinnagit, Naalakkersuisut aamma Kalaallit Nunaanni Kommunit

Kattuffiata akunneranni isumaqatigiissutit aqqutigalugit imaluunniit isumaqatigiissuteqareernerisigut aalajangersarneqassapput.

2014-imi nalimmassaanermik nutaamik aqqissuussinissaq pillugu ilaatigut oqallinnermi misilittakkat aamma takutippaat, nunamut namminermut tunngasut pillugit susassaqartunik arlaqartunik ataatsikkoortumik isumaqatiginninniarnert ingerlannissaat imaannaanngitsorujussuussasut. Kommuninik, pissutsinik pissusissamisoortumik imminnut akerleriittunik atugaqartuusunik pingasoqiusanngorluni isumaqatiginninniarnert piffissap aalajangersimasup aammalu aningaasaqarnikkut atugassarititaasut iluini akuerineqarsinnaasunik angusaqarfiusinnaaneri ajornakusuusaaq.

Taamaattumik ulloq 8. februar 2015 kommuni allakkatigut nalunaarfigaara isumaqatiginninniarnermut isumaqatigiissuteqartarnermullu aqqissuussaasooq maannakkut atuuttoq allanngortissallugu Naalackersuisut pilersaaruteqanngitsut, taamaattumillu apeqqutinik nunamut namminermut tunngassuteqartunik Kommuneqarfik Sermersooq immikkut isumaqatiginninniarfiginiarnagu, kommuninut ataatsimoortumik tapiissutit ilanngullugit. Taamatuttaaq nalunaarutigineqarpoq immikkut isumaqatiginninniartoqassanngitsooq, tassani Namminersorlutik Oqartussat aamma kommunit allat pingasuusut sinnerlugit KANUKOKAp akornanni isumaqatiginninniarneri isumaqatigiissuteqarnernilu Kommuneqarfik Sermersooq namminersortutut susassaqartutut ilanngunneqassanani. Kommuneqarfik Sermersuumut allakkat assilineri kommunit pingasut allat aamma KANUKOKAp tiguaat.

3. Kommuneqarfik Sermersuup KANUKOKA-mit ilaasortaajunnaarniarneranut isumaqatiginniteqarnissanullu atatillugu kommunep Naalackersuisullu akornanni allakkatigut allatigulluunniit eqqartuinerit qanoq innikuuppat?

Akissut: Akissut 2 innersuussutigissavara. Tamatuma saniatigut februaarip 24-ani Kommuneqarfik Sermersuumi borgmesteri ataatsimeeqatigissavara, apeqqut taanna ilaatigut oqaluuserissallutigu.

Inussiarnersumik inuulluaqqusillunga

Med venlig hilsen



Kim Kielsen



Tasiilaq 13. februar 2015

Inatsisartut suleriaasianni § 37 naapertorlugu Naalakkersuisunut imaattunik apeqqu-teqarpunga.

Apeqqu:

1)

Kommuneqarfik Sermersooq nalunaarpoq KANUKOKA-mut ilaasortaajunnaarniarluni. Naalakkersuisut tamanna qanoq isumaqarfigaat, kommunillu ataasiakkaat kattuffimmut ilaasortaanginnermi kiffaangissuseqarnerat Naalakkersuisunit ataqqineqarpa?

2)

Naalakkersuisut Kommuneqarfik Sermersuullu akornani isumaqatigiinninniuteqarnerit siunissami qanoq ingerlanneqartassappat?

3)

Kommuneqarfik Sermersuup KANUKOKA-mit ilaasortaajunnaarniarneranut isumaqatiginniuteqarnissanullu atatillugu kommunep Naalakkersuisullu akornanni allakkatigut allatigulluunniit eqqartuinerit qanoq innikuuppat?

(Inatsisartuni ilaasortaq Iddimanggiu Bianco, Inuit Ataqatigiit)

Tungavilersuut:

Kommuneqarfik Sermersooq KANUKOKA-miit ilaasortaajunnaarnera atuutilisooq 1. Januar 2016. Tamannalu pitinnagu iliuuseqarnissaq pisariaqarluinnarpoq.

Missingersuusionerit allallu isumaqatigiinninniutigineqartarneri pingaaruteqarluinnarput kommunenut ataasiakkaanut, taamaattumik Kommuneqarfik Sermersooq KANUKOKA-mut ilaasortaajunnaarnerata kingorna allatut ittumik isumaqatigiinninniarnierit ingerlanneqalernissai qularnangilaq, taamaattumik massakkumiit periusissianik pilersaarusiornissaq pisariaqarpoq.